

福建續志卷八十九

藝文十四

詩
七律

皆山西爽二亭

宋姚東

華亭百尺跨嶙峋照眼風光自吐吞
閒數炊煙分聚落坐收竒觀入壺尊
岡巒繞戶雲生袂鏡柝無聲月在軒
更有何人佩黃犢耕鋤已遍落霞邨

送鄭夾漈應聘

宋鄭僑

別墅生涯富古今凝旒夢卜苦追尋
一封細札三家

福建續志

卷八十九

藝文十四一

布萬卷新書四海心北闕龍吟清晝永
東臯猿嘯白雲深滿懷經濟今休斬
聞道蒼生渴傅霖

題九仙宮

宋朱孟常

三神山裏秋將半九鯉湖邊客再來
人世萬年如幻影林泉千古絕氛埃
碧霄獨鶴摩新月深洞羣龍護震雷
莫說傅巖霖雨事夢魂無復到金臺

西湖紀遊詩

宋陳俊卿

鑿開千頃碧溶溶潁上錢塘彷彿同
梅柳兩堤連綠蔭芰荷十里散香風
波涵翠巘層層出潮接新河處

處通輿頌載途農事起從今歲歲作年豐

方廣巖詩

元 林泉生

上方樓閣倚空明磴路如天鳥亦驚屋上石巖常欲
墜簷前瀑布不能晴龍湫千古風雷氣山殿六時鐘
磬聲最愛白雲飛不上半山飄泊伴人行

籌巖詩

明 王 恭

籌峰迢遞出高林苔徑蒼蒼洞穴陰獨樹斷雲孤鳥
下亂山殘日一蟬吟雙溪鹿過泉應碧丈室僧歸月
又深幾度欲攜招隱興蘿花開處息塵心

福建續志

卷八十九 藝文十四 二

龍潭夜坐

明 王守仁

何處花香入夜清石林茅屋隔溪聲幽人月出每孤
往棲鳥山空時一鳴草露不辭芒履濕松風偏與葛
衣輕臨流欲寫猗蘭意江北江南無限情

巖前勦寇班師紀事

王守仁

吹角峰頭曉散軍春回萬馬下氤氳前旌已帶洗兵
雨飛鳥猶驚捲陣雲南畝稍欣農事動東山休作凱
歌聞正思鋒鏑堪揮淚一戰功成未足云

登鼓山觀朱子書

明 王世懋

靈鷲何年瘴海來振衣今日陟崔嵬青山忽放雙江
合紫霧徐將萬壑開水上鞭鼇秦帝石空中結蜃越
王臺捫碑共仰先賢蹟覓句誰憐異代才

題霹靂巖

明 徐中行

仙臺高與碧雲平風馭冷然落太清石室晝開丹竈
色天門秋度紫簫聲題詩此日鴻濛坼把酒千山海
月生况有同心堪坐嘯風流誰似謝宣城

鄭介公故居

明 葉向高

上相宣麻出禁城紛紛新法盡逢迎蒼生幾下監門
福建續志
卷八十九 藝文十四 三
淚青史長留抗疏名啼盡杜鵑應有恨歌殘鴻雁不
勝情只今多少流民在猶向清朝望太平

登鼓山

葉向高

巒崩峰高俯十洲白蘋寒渚海天秋潮聲迎向巖前
落蜃氣遙從島外浮平野蒼烟迷故壘夕陽紅樹帶
殘流摩巖讀遍前朝字乘興還登最上頭

雨中宿鼓山下院同徐興公周喬卿蔣子才

明 謝肇淛

上方寂寂鎖蒼藤門掩雙峰最上層半嶺松濤千嶂

雨數行香篆一龕燈寒潮應月暄殘寺獨鶴眠雲伴
老僧塵夢欲醒鐘磬動頓令心地冷如水

道山樓

明張鳳來

飛樓縹緲凌虛立遠樹蒼茫逐望低二水淨涵天上
下高峰遙接蜀東西人宜高會情偏豁景逼深春鳥
亂啼更上危樓望京國紫霄清切五雲迷

東華山

明裴汝甲

萬壑濤生白晝寒巖松擁翠拂林端山迎秋色門前
滿寺去鐘聲雨外殘卽事叅禪成頓悟聽泉留客足

福建續志

卷八十九 藝文十四 四

清歡從僧少借蒲團坐遙看雲飛落雪湍

草倉遺蹟

明黃槐開

丞相祠堂寄草倉壁間留句照斜陽一麾出守三持
節千載行人幾斷腸蟬咽暮雲悲舊國馬嘶寒雨泣
空廊採蘋薦罷重回首山鳥無聲水滿塘

灞湧巖

明葉元玉

金蓮山寺萬松陰流水花開自古今幾髮清螺撐佛
頂半巖秋月印禪心滿天風雨龍歸洞入座笙歌鳥
隔林駿馬神鷹無覓處一聲雞犬在雲深

龍巖洞

明 裴應章

混沌誰人一劈開清虛海上小蓬萊
雙龍噴雪浸泉玉七月飛霜凜
栢臺石壁題痕蒼蘚合洞門封處碧
雲迴嶺頭忽聽雷聲動新雨催詩不費裁

自題紡綬堂

明 曾異撰

小徑新開當小園朋來拜母共清尊
老思愛日心徒遠賤畏傷時舌未捫
歲月又看金作勝行藏依舊席爲門
蕭然負甕澆粗糲慚愧燈前一石髡

兩泛西湖

國朝 鄭焯新

福建續志

卷八十九

藝文十四五

白雲千里羃青霄漠漠寒煙鎖六橋
天外樓臺吹蜃氣鏡中歌管送蘭橈
孤山鶴去梅誰主古甃龍回柏未凋
南北兩峰愁一抹捧心西子更魂銷

九日登越王臺有感

國朝 許友

爲言度厄入山眉滿摘茱萸上酒卮
煙火數村霜葉亂沙汀一抹暮帆遲
鷓鴣有意悲芳草宮殿何心動黍離
薄醉只餘雙眼在半山斜日讀殘碑

九日同林元之鱔潭懷古

國朝 陳應邦

苔蘚重封石上名松杉依舊夾濤聲
秋高白馬空潭

冷日暮黃花古殿明征鴈一行棲遠渚寒烟萬井起
孤城龍山霸氣銷前代歷落西風短髮生

登鎮海樓

國朝 林 蕙

峨然天半倚高樓萬古風雲兩眼收艸色不隨越殿
暝春聲如帶漢宮秋塵埋劍氣人何處日落江心水
自流矯首可勝興廢感淡烟輕翠遣閒愁

閩南懷古

林人中

霸業雄圖久已銷斷蘆王氣自蕭蕭榕陰北去難踰
劍汀水南流盡入潮螺女江寒收網罟錢妃廟古走

福建續志

卷八十九 藝文十四 六

漁樵當年勝事誰親遇試采方言慰寂寥

寄臺灣姚總兵二首

國朝 李光地

勲名已結九重知借寇三年意不貲宵旰無踰滄海
郡恩威獨倚武臣師更番樓櫓趨轅下絕島桑麻亞
戟枝從此甌閩東漸遠如君何用賈捐之
歷鎮巖疆望翕然量移海外續堪傳南中須得張嶷
久交趾未容英國還同事更欣來檠戟休居何幸息
風烟迢迢隔島遙相祝盟府高勲掛簡編

登芳巔峰

國朝 周亮工

滄波淼淼淡秋雯遙拍螺鬟逐嶺分萬磴松筠開岫

月半山鐘磬落溪雲間看老衲心無外悔到深山意
倍紛欲滌塵襟叅妙偈泉聲未許靜中聞

夜登杭州城樓有感

周亮工

秋老滄溟夜舞鯨依然刁斗舊時聲艱虞剩有囊書
坐饑餓慚看負楯耕象洞雲迴迷鳥道龍巖雨過認
獠城郊坰半是槃籃篋十載汀南未罷征

建陽

國朝 朱彝尊

徽公舊是建陽居竹樹清疎畫不如講席至今留未
改人情大抵好相於得觀雲谷山頭水恣讀麻沙里
下書此意殘年仍莫遂扁舟欲去轉躊躇

福建續志

卷八十九 藝文十四 七

白雲廡院

國朝 潘耒

暫歇籃輿步石梁院門古樹綠千章僧來雲壑衣衫
潤客飯松陰几簟涼百道飛泉歸石澗一聲清磬出
新篁人生豈合理塵土世味何如道味長

尋道山亭故址

國朝 查慎行

芒鞋布屨記曾經誰識蓬池舊謫星雙眼參差收七
堦百年興廢閱孤亭雲煙繞閣山形秀浦澈通潮海
氣腥好在南豐碑一統苔紋因雨洗猶青

九仙山平遠臺

查慎行

跨鯉人遙片碣留居僧指點說丹邱平生不信神仙

術垂老宜爲寂寞遊千里帆檣來域外九霄風雨過
城頭劇憐野意亭西路好景多歸 萬歲樓

鳧山同年邀遊城東湯泉

查慎行

萬壑千峰赴海疆却從海眼發溫湯名同繡嶺寧愁
污派別曹溪自有香身外塵埃供洗滌人間炎熱變
清涼依然沂水風雩意童冠中間著老狂

汀州謁謝忠愛公

國朝 熊爲霖

書生韜畧秘心傳保障全汀鍊瓮堅撫汝瘡痍存赤
子掃除烽火露青天渡河淚盡呼宗澤仗節年輕想
謝玄酌酒祠堂深再拜靈旗風雨欲淒然

福建續志

卷八十九 藝文十四 八

梓里名卿嶽降神甘棠滿地報明禋虛欄語鼠松楸
老半壁河山玉馬新不分塗泥浣軒冕可憐俎豆黯
風塵幾時掃却青苔篆靜鎖幽壇秘九真

朝斗巖

國朝 黃冲天

一汀勝景倩盤桓劇愛幽巖闢大觀一線青天開鐵
壁半空列宿拂珠冠仙逢鶴語千年事石潤松陰六
月寒五四可亭還有可可人身在畫中看

遊困關白雲寺

國朝 黃道謙

白雲深處絕塵埃萬壑松風滿徑來巖際波濤驚雨
落山中樓閣倚天開詩成題咏頻摩蘚興到停橈更

上臺長嘯一聲霄漢近
困關咫尺是蓬萊

遊桃源洞

國朝 陳登禧

遊人到處失西東
忽爾巖光一線通
何等桑麻忘世界
悠然鷄犬覺仙風
溪頭流水秦時綠
洞口桃花漢代紅
人自古今春自老
無勞漁父入村中

過閩王墓

國朝 林 侗

琅琊高塚擬皇邱
千載棠陰上相遊
門內飛熊推玉馬
軍中鬪虎懾金牛
瑯戈寶冊分封日
班劍鳴笳賜葬秋
天半蓮峰橫翠黛
西風夕起片雲愁

登劍津城樓

國朝 丁 焯

福建續志

卷八十九 藝文十四 九

澄潭龍老已千秋
夜夜寒光動斗牛
有客攜琴瞻碧漢
何人說劍向滄洲
孤城削壁全臨水
八面無山不到樓
取次高懷生遠趣
一聲長嘯起驚鷗

重九遊玉泉巖

國朝 吳 鈔

天高風急鴈聲催
縱目危登九日臺
髮短柱陵身尚健
杯傾彭澤菊初開
寒泉響帶秋聲入
暮色山啣野月來
扶杖徘徊塵慮淨
不知落葉滿林隈

仲秋鎮海樓眺望

國朝 李 馥

玉露凋零八月天
無諸城角樣樓懸
眼中滄海晴光潤
衣上風雲爽氣鮮
金鎖水橫西峽渡
蓮花峰繞北

門煙凭高不盡登臨興虛閣巍巍自昔年

冶下懷古

國朝 鄭 霄

無諸啓宇越王城獨眺逢秋百感橫烏石鼇峰扶塔影龍江螺浦捲潮聲煙籠萬竈青榕老露落千秋紫
樵清鑄劍人歸池尚在斗牛星上最分明

泛湖

國朝 陳 潤

孤舟遠渡萬峰遙老去躬耕半學樵三載齊門空挾瑟一朝吳市罷吹簫蒹葭人散西江月楊柳家居南浦橋愁見東山猶不起碧雲秋水怨迢迢

李忠定讀書樓

國朝 林豫吉

福建續志

卷八十九

藝文十四十

河東河比水分流塞馬邊笳落日愁鬼哭塵沙留二聖人亡風雨見孤樓詩書此日君親志慷慨他年戰守謀誤國由來多白面如君萬卷可無羞

丙申初秋鼇峰書院有感兼示諸同學

國朝 蔡世遠

憶昔鼇峰吟弄時先人曾此設臯比晨昏最極天倫樂趨立常忘日影移兩弟侍書輪檢閱一堂聚講判危微析薪弗荷今何怙手澤繙來涕淚垂
閩州學業本師朱鄒魯名邦澤未孤道脉傳來今孰繼脚根立定卽吾徒光陰冉冉駒過隙羽翰翩翩鳳

集梧努力諸君加遜敏靈修覺我在前途

鼇峰書院九日偕林肅齋同年併諸同學泛舟

池中兼陟假山觀眺步袁子楚韻

高閣風清日未斜登臨不倦興方嘉三山星聚多名
彥千里雲深是故家臺畔歌傾橫古石秋容淡蕩寄
黃花且須細認源頭水莫把雄心問泛槎

過于山維摩室

國朝張遠

連朝懷抱托林邱兩過維摩寺裏遊海國凋殘多作
雨閩山蕭瑟獨宜秋螺江湧浪通南郭鼇頂分雲上
小樓我亦談空病居士天花亂落石牀幽

福建續志

卷八十九 藝文四十一

柘浦山行

國朝陳子威

輕舟曉到柘城邊南浦橋西一整鞭鷗夢尚懸溪上
月馬蹄已踏嶺頭煙巖垂藤影全侵澗雲捲峰尖半
入天幾處東風啼杜宇聲聲咽下百重泉

仲秋鎮海樓眺望

國朝藍漣

畫棟飛甍嵌碧巔南浮海氣浸平川暮潮城郭千村
雨落日樓臺萬井煙紅蓼作花秋漸老銀河溥露月
將圖白頭誰假登臨興日斷歸鴻手撫絃

漁梁

國朝范俊

清溪喜復浣征衣塞上兵戈尚合圍沙磧十年孤劍

去雲山萬里一人歸寒林雪掩青楓寺荒店烟籠白
板扉此去無諸城下路應憐春草滿漁磯

過相國葉文忠墓下

國朝 林 衡

四顧蒼涼栢葉森溪山無故欲沾襟七年相業叨清
晏十疏平泉老嘯吟冤獄何緣興北寺黨碑空自說
東林夕陽再拜吞聲去淒絕筠篁野鳥音

仲秋鎮海樓眺望

國朝 楊應翰

城北高樓接海天雲山青削畫欄前六鼇遙兀參差
石五鳳齊分次第煙秋老蒹葭浮落鴈風翻楊柳咽
殘蟬無諸故壘看何處今古興衰總逝川

福建續志

卷八十九 藝文四十二

登榕城北嶺

國朝 陳 琮

夾道松篁午轉幽捫蘿盤石上高頭人披北嶺千峰
月目盡南臺一路秋雉堞遠環平埜界虎門橫截大
江流平生胸次期湖海筇挂山巔竟日留

鎮海樓懷古

國朝 陳文遴

踞山蟠郭勢橫空聳立危樓鎮海東霸氣久沉歐冶
劍雄圖猶憶越王宮洲浮螺女蒼烟外臺峙龍江斷
靄中惆悵翠濤亭不見銅駝荒草泣西風

國朝 張文炅

海天城郭澤桑麻咫尺平臺俯萬家北捧五雲聽鳳

嘯南來勺水濯龍沙樓頭烟霧凝鼈柱池上芙蓉拂
劍花此日登臨思勝事青青山色接蒼霞

過黃勉齋先生墓道

國朝 林 佶

先賢遺塚草芊芊五尺殘碑枕墓田離郭未能餘一
舍景行已是近千年南來道統從關洛北望神州委
澗瀍我欲挑燈論往事碧簾山外有啼鶻

榕城懷古

國朝 張 崙

無諸城畔水淙淙古寺僧荒月下鐘歷盡風霜千尺
劍看來天地一孤筇江河戰老魚龍陣草木煙迷虎
豹蹤淅淅空階飛落葉至今誰是歲寒松

福建續志

卷八十九 藝文十四 十三

李忠定祠

張 崙

汴城宮殿草成堆南渡衣冠骨亦灰大地江山移日
月荒祠俎豆挾風雷陰魂尙殞徽欽淚劫運偏生將
相才樵水龍湖香火在好教桑梓掃春來

哭襄愍公墓

張 崙

城頭鼓角靖妖氛寵錫深酬百戰勲碧玉傳封纏鳳
彩寶刀宣賜隱龍文三邊烽火通燕市七國旌旗結
塞雲薏苡傷心坏土淚夕陽衰草對江濱

遊鼓山寺

國朝 楊文乾

積翠千重石徑斜公餘偶爾到僧家出山活水鳴清

澗繞寺蒼松映晚霞足下生雲情是幻耳邊啼鳥興
偏奢真禪別有真空境笑語浮屠莫浪誇

曉登鼓山最高處觀日出

楊文乾

紅光湧耀浪重重照徹乾坤色更濃白虎有巖皆斂
跡烏龍無水不潛蹤回看萬象隨時現俯視千山到
處恭乘興欲遊三島去謾言此地最高峰

奉和遊鼓山寺

國朝 高其倬

青峰影裏綠溪斜佛閣凌空衲子家地擅林泉延杖
履客於襟韻帶煙霞遲留蓬閬因緣在扶植生靈願
力奢自識神仙無上訣鹿車小果未須誇

福建續志

卷八十九

藝文十四十四

奉和曉登鼓山最高處觀日出 楊文乾

危磴盤盤上百重五更寒重興偏濃海天初見羲和
影雲嶠欣留謝傅蹤境地高時羣岫小光明遍處萬
邦恭公扶元化同喬嶽寧數東南第一峰

道山亭懷古

國朝 張 焯

山亭一望海天空蓬島微茫在眼中黃燾圖銷金蟒
地白楊煙冷水晶宮蜃樓隱現滄桑變螺髻參差潮
汐通莫問當年歌舞地鄰霄臺畔夕陽紅

水口

張 焯

水南水北勢迴環浪息東西兩岼間賈客園亭圍綠

篠居人屋舍架青山石灘行過蛟龍靜溪雨晴開鷗
鷺閒此去平川二百里挂帆明日抵江灣

夏五會飲晏海樓

國朝 魏荔彤

扶桑宵半海光浮城郭風煙接渚洲徐福仙山多歲
月漢家銅柱久懷柔九天雨露瞻 皇極萬里蛟龍
護貢州巷舞衢歌歡未厭好邀冠蓋醉樓頭
筵上霓裳海上城歌殘檻外暗潮生江洲白傅琵琶
語花縣菁莪絃誦聲四牡王臣天保定八荒禹甸地
平成仲宣當日風塵際應惜登高擅賦名

偕懷弟君可遊武夷二首

國朝 何 瀚

福建續志

卷八十九

藝文十四十五

快同予季縱遊觀山水幽竒繪畫難沙岸兩開分洞
壑竹篙一轉變峰巒紅橋再渡仙舟朽龍脊凌虛客
膽寒高閣憑欄舒勝覽由來居易夢魂安
攜來長枕臥煙霞眼界翛然脫物華淺水有人皆駕
筏深山無地不栽茶峰頭秋露神仙井溪尾春風賈
客家却喜龍團今罷貢巖疆名產補桑麻

夾漈草堂

國朝 嚴光漢

夾漈草堂日月邊

堂邊有日月井

此間曾到是何年柴桑五

柳青溪上和靖孤山綠野前後學不聞通志略樵夫
已識讀書巔松風謾謾門長掩彷彿先生撫素絃

東寧雜咏

國朝 高拱乾

春臺廣廈銜虛署校義監軍職濫分無力椎牛頻饗
士有時倒屣細論文平生拙處勤難補異域愁來酒
易醺筋力未衰官味淡函關西隔萬重雲

尺檄如傳空谷聲

重洋間不易見

阻風經月少人行關

山已歷三千里檣櫓猶遲十一更

廈門至臺更

地煖

臘殘無雪到憂深髯裏任霜橫眼穿何處天邊鴈京
雒難忘故舊情

竹弧射鹿萬岡巔罟網張魚百丈淵幅布無裙供社
餉隻鷄讓食抵商錢文身纔起瘡痕色赤子誰將垢

福建續志

卷八十九

藝文十四十六

敝前爲語綰符銜命吏遠人新附倍堪憐

誰言習俗亂絲同攬轡澄清乏寸功拊輯尚慙屏翰
寄更番何日戍樓空擬提片石安歸棹聊訂新編當
採風此去中原詢異事仙桃長對佛桑紅

觀海

國朝 周鍾瑄

浩渺無因邈去程仙槎客泛正須評輕浮一粒須彌
小包括恒河色界清世外形骸杯可渡空中樓閣氣
噓成情知觀海難爲水更有紅輪向此生

秋日同雷翠庭宮諭登道山謁范公祠憇僧院

國朝 黃任

城隅東折女牆陰百尺飛樓出翠岑松勢健於三島
鶴蟬嘶韻比七絲琴地存正氣秋能肅人有幽談徑
便深莫戀滄江遠青瑣暫拋簪絨事登臨

臺江雜咏二首

國朝 范 咸

瀰茫徼外闢窮途飛渡橫洋計不迂瀆瀆自來甌脫
地屏藩藉此彈丸區靈槎好繫扶桑木赤石誰傳瀛
海圖千樹刺桐紅似火錦官直欲擬成都
木城橫拂綠雲堆二月寒蟬聲已催北塞罕傳鴻信
至南荒終少鵲飛來銷磨劫火培元氣鼓吹勾萌養
不才但使巡行阡陌好中天日月自昭回

福建續志

卷八十九

藝文十四十七

秋日登鎮海樓呈諸同輩

國朝 謝道承

漢唐陵墓鬱嵯峨劫火灰殘見斷坡臺號釣龍荒草
徧潮迎騎馬夕陽多千年故國供搔首百代遺風委
逝波文獻凋零那可問登樓且自醉婆娑

延平城樓

國朝 李開葉

虎踞峻嶒此一關建瓴高屋俯千灣歸雲峽口三溪
水橫翠峰前百丈山忠定謫來官舍冷龜山老去講
堂閒垂虹閣向龍津倚燭漢星光隱照顏

就讀道山天秀巖

李開葉

松風惆悵舊山樓煙樹城南野寺秋

松風樓李忠何
定讀書處

處素書藏石室多時瑤草拾瀛洲雙虹天豁江雲落
百雉峰高海日浮早晚閒情來蔣詡與開三徑接羊
求烏石山在郡城內曾南山豐瀛洲之名道山

釣龍臺

國朝 吳廷華

沼吳遺業已茫茫甌越何堪體自戕縱藉釣龍王八
郡何如射鱗死三郎樓船才過成荒草史傳空令溯
舊疆歐冶池邊明月冷當時長劍早銷鏗

寶皇閣

吳廷華

忠懿家風竟背盟寶皇奉處逆芽萌九龍帳啓藩籬
禍五虎山傳鷓蚌爭門閣門開殊可念馬來馬去竟

福建續志

卷八十九 藝文 四十八

無成只今廢閣香何處早散寒煙伴月明

過石室謁朱子祠

吳廷華

紫陽講席遍榕城石室還看奠兩楹隔院浮圖空有
影方塘活水自然清爲瞻道氣存遺像若有春風坐
後生六百年來溯餘澤一燈約畧望中明

謁范忠貞公祠

吳廷華

蚩尤旗見光如燭上相星沉土作圜沙漠不歸生屬
國饒陽未入死常山故疆縱已隨身殉厲鬼終須殺
賊還正氣相傳本私淑零丁洋水並潺潺

龍啓曾生海上塵敢隨逆跡亂天垠開門節度原終

世避位仙人自殞身苞蘖遇公眞破膽戶庭有客各
成仁謂從死至今遺集懸星日不化青山雨後燐

西湖楊柳

國朝 林國器

絲絲著雨帶朝煙十里延堤五里船曲徑鶯藏青草
地斷橋馬踏艷陽天折來陌路誰堪贈夢醒池塘思
惘然閒坐小窓春又去風流空自憶當年

榕城懷古

國朝 葉繼榮

地傑才華自昔雄榕陰十里憶程公霸圖業創雙龍
伏仙竈丹成九鯉空罾浦樓臺虛夜月冶城宮殿冷
秋風繁華當日推南土千古興亡一瞬中

福建續志

卷八十九

藝文四十九

道山亭懷古

國朝 許鼎

山亭無復傍層岑太守遺蹤不可尋斷碣歲深苔自
長荒臺日落鳥孤吟江光曲抱千巒迥樹色遙連萬
井陰我喜片椽山下結閒攜琴卷獨登臨

雜感

國朝 張湄

高挾天墟括九州茫茫一水認流求風生鼇背重溟
黑雷奮鯤身巨島浮針路向空難問渡鐵礁拔地不
容舟林顏幾輩蟲沙沒落日蒼涼赤嵌樓

石倉泉傍看白梅

國朝 葛經邦

清芬獨與素心宜洗淨鉛華立水湄對鏡有風吹霧

去開簾如月得天竒
漣漪萬斛憑滋潤
掩映千枝自護持
可比贈瑤堪永好
良宵無寐鎮相思

釣龍臺懷古

國朝 李肇杏

佐漢雄圖事已非
精靈廟貌尚依稀
中原鹿逐分茅土
滄海龍歸剩釣磯
芳草卽今迷暮靄
江流終古咽斜暉
登臨何用傷陳迹
聞唱三聲報曉雞

西湖夜泛

國朝 林正青

平湖背郭灌千畦
暝入遙天一縷西
樹隱鐘鳴湖寺迥
月添潮白海門低
簫笙暖日喧平岬
旌旆迴風颺曲堤
回首霸圖留勝事
虛舟起舞聽鳴雞

福建續志

卷八十九 藝文十四 二十一

辛巳清和奉命閱兵道出將樂聞說從前有
制府經過迄今八十四年因感而志之抑或
前身在望與 國朝 楊廷璋

代巡蒐事校英才
夾道歡迎聽溯洄
八十四年惟一見
七旬三歲復重來
連城鐵嶺標華洞

彼地有鐵水嶺月華洞

繞龍湖動地雷
敬仰龜山講學處
祠高崇蔭映莓苔

辛巳春制府楊公啣命閱師道出將樂此邦
父老爭覩威儀言先日曾有節使過此屈計
已八十四年而公年亦七十三矣故途中卽
事有八十四年惟一見七旬三歲復重來之

句余感其事竊謂公之名德壽考自有夙根
前身在望之語其實不虛爰次原韻

莊有恭

名世天生未易才與山雄峙水潌洄昔年今日同全

盛戡亂觀成感再來康熙丙辰耿逆始平則公此日

重來屬文化成之候雖同逢全盛不無感慨係之矣事異記臺光掣電人方

過洛動歡雷側聞軍禮三申後猶拂龜山講席苔

和前韻

汪廷璵

奮武由來倚相才軍容山鎮與川洄躔臨八座風雲
衛瑞繞三華旌旆來悟得前身通指月勒成新刻映

福建續志

卷八十九 藝文十四 二十一

回雷崇文更訪龍湖勝履跡曾聞到綠苔

和前韻

曹繩柱

節鎮勲名上相才晴霞高映海波洄朱輪舊壓金鼇

重紫誥新啣采鳳來傳道三生星在昴巡行八丈將樂

山名令如雷鴻章合就摩崖紀赤字縱橫綴綠苔

和前韻

朱珪

奠海功歸命世才平瀾萬里靜潌洄辰旗代駐三華
境亥史重占土相來此日觀民同好雨當年謀國尚

屯雷戊午姚公方因知勲德兼嘉會早勒瓊章照碧

苔

和前韻

徐景熹

電繞雲屯武庫才山城巖嶮水滌洄昔年立馬驚初
見此日褰帷喜再來好事竟成雙合璧歡呼齊動一
聲雷瓣香重謁前賢席石上留題洗綠苔

遊水口白雲寺

國朝鄭方坤

石壁翻江影欲沉登臨有興動微吟蘚花蝕徑能沾
屐松頂蟠空漸露針十里尋僧黃葉院一牀留客白
雲衾桔槔遠向山廚瀉未息機心笑漢陰

登延平明翠閣

國朝林長楠

策杖重尋明翠閣凌虛突兀壯西甌九峰羅列窓前
福建續志

卷八十九

藝文十四二十二

現二水平分檻外流寒逼魚龍星影動氣衝霄漢劍
光浮放寬眼界開懷抱長嘯一聲天地秋

登南城樓望烏石諸山咏古

國朝郭植

城頭聳立接烟霄寂寞雄圖百代遙人往銅駝悲落
日臺荒金鱗走寒潮飛仙去住空三島南宋興亡似
六朝只有梵王宮不改年年鐘磬送深宵

謝疊山先生賣卜處

國朝林應震

密跡生涯此地秋汴陽宮闕付寒流先生閉榻成高
隱相國辭家不下樓野簌曉含江市酒春風夜落故
山裘橋西有客無人識小雨燈前獨木舟

友清軒新種梅花正開率成禁體四首

國朝紀昀

衙齋深閉海城隈春色驚看數點梅前輩風流已陳

迹幾年寥落又新栽歲康熙久無甲申學使沈公種梅於此

數枝寒燈久許邀君伴次兒汝保此冷蕊渾如待我開余

署後始隔院桃花任撩亂祇因松竹耦無猜

小別山坳與水隈偶來使院作官梅宛然靜女粧初

罷原是騷人手自栽地暖誰知衝雪放花遲轉得到

春開東陽瘦骨多相似沈君柳堤料得形骸兩不猜

無須羯鼓為催花隨意歌橫數朶斜冷署未應嫌迫

福建續志卷八十九藝文十四二十三

仄嚴扃猶與戒喧嘩此間賓客無塵事別院笙歌自

歲華閩中連年豐稔待取焦桐彈對汝七分尚恐入

琵琶

滿城火樹鬪銀花時近元獨自霜枝帶月斜憐爾風標

清有味消人意氣靜無譁頻牽詞客三更夢未厭衰

翁兩鬢華客老年有一任旁觀嫌淡泊更如昨夜演琵琶

琵琶

過宮保翁青陽墓 國朝張鶴侓

日暮岳山仄徑斜墓門寂寂泣棲鴉銀魚徒掛尚書

袞石碣猶傳少保家雨洗銅駝荒草沒雲銷鳳篆女

蘿遮沙明岼遠今難合寥落江天一望賒

越王臺懷古

國朝 陳 椿

釣龍臺枕大江隅江水蒼茫帶綠蕪城郭昔曾歸霸
畧山川今已入皇圖片帆落日沉孤鳥畫角淒風起
暮鳥欲向斷碑探往事苔痕半已沒龜趺

古田四首

國朝 張學舉

枕翠偎紅疊更張罨細織雨絲長三稜慣帶朝雲
態六扇宜分曉鏡光底用泥金輝韜匝却將水墨畫
瀟湘紫姑不作人間技乘著天風瀉玉漿
突口書空弄紫煙等閒莫侈巨如椽大文自秉山川

福建續志

卷八十九 藝文十四 二十四

秀無畫能包象數先疎雨過時添墨瀋晚晴開處展
霞箋何當借入生花手爲祀雲官斗宿邊

混茫直接絕端倪萬壑羣山一覽齊秋色暗連溪雨
潤霞雯明襯海雲低飛泉幽澗虬龍臥峭壁疎蘿鶴
鶴棲膠葛夢天三十六從茲汲汲上丹梯

不辨風聲與水聲月中總作珮環鳴平分夜色珠常
定倒影天光斗自橫擬挾琴高來駕鯉可能李白共
騎鯨洞簫有客移蘭棹倚和中流直到明

登紫璜山

國朝 張振華

璜山環峙聖賢居拾級躋攀泰岱如煙火千家容俯

視風雲萬里任遐舒開顏猶覺陽春早積翠還宜宿
雨餘雄鎮本來鍾毓富尚憑綬水作襟裾

登仙遊何嶺口占

國朝 鄭士仁

斯嶺重登越十年詩搜舊韻聳寒肩稚松忽挺擎天
蓋老鶴還披賽雪綿燒葉依然留石鼎飲泉何用擲
金錢奔忙多半緣尋夢笑問夢鄉醒孰先

夾漈草堂

鄭士仁

拔茅舊講讀書堂著述心勞自晦藏夾漈泉流琴瑟
響考亭天並日星光山憑翠靄居猿鶴竹護青雲待
鳳凰一自先賢搜勝蹟儒風丕振世虞唐

福建續志

卷八十九

藝文十四二十五

登劍津明翠閣

國朝 林 遂

嵯峨高閣枕山巔極目蒼茫思渺然有客題詩青石
壁何人倚劍白雲天峰依雙塔孤城迥地劃三溪一
水連試憶化龍今古事荒涼落日起秋煙

遊鯉湖石門漈

國朝 鄭樗菴

習靜空山獨杖藜石門陰入白雲西落花徑淺猿相
引種藥村深鳥自啼梅洞幽幽羣帝馭松扉寂寂九
真棲天台此去無多路怪問漁郎失舊溪

西湖晚眺

國朝 林從直

波涵倒影鏡天空野意蕭涼一望中暮鳥亂啼西竹一

寺夕陽孤照水晶宮堤沿十里秋蕪白嶼罩千株暝
柏紅獨感香銷歌舞盡蓮花峰下月朦朧

凌霄臺

林從直

鄰霄石壁鬱崔嵬有客登臨醉眼開百里山河通井
市千年城郭壯樓臺潮衝虎嶠隨南下氣接龍腰自
北來獨憶昔時金蟒地霸圖銷盡不勝哀

登劣崩峰

林從直

盤旋鳥道到峰頭水國微茫一望收華嶼髻青疑海
盡虎門濤白見天浮雲開松磴千林月風送山鐘萬
島秋更欲凌空題石壁振衣長嘯思悠悠

福建瀆志

卷八十九

藝文十四二十六

越王臺懷古

國朝 王朝屏

越王臺上夕陽微樹色蒼茫鳥道稀月冷故宮芳草
合苔封古堞白雲歸玉魚煙鎖沉歌管金鳳香銷褪
舞衣回首當年興廢事黃昏幾陣野鴻飛

和及門楊鍾嶽遊閩中西湖

國朝 程廷枳

五載前聞湖上景今春始得泛晴空越王荒塚平山
北樵子遺踪烏石東草色侵衣芳塢碧波光映面夕
陽紅眼看吾道南來日花柳前川續往風

春日木蘭陂觀漲

國朝 翁源熙

一篙新綠下蘭陂影入篷窓面面竒風起江豚吹浪

後雨晴沙燕掠波時雙橋恰逐桃花漾數尺纔添荇
葉移相約溪頭須盡醉觥船泛棹莫輕離

冶山懷古

國朝 張萬年

八郡封疆一望遙海天秋肅木蕭蕭萬家鱗次凝煙
霧五劍虹光入漢霄坡麓池塘猶作雨臺邊馬瀆遠
生潮冶山不改當年勝歐市環隅盡日囂

西湖卽事

國朝 張世燦

西湖合注鳳山泉清挹湖光思爽然別島穩棲窺水
鶴傍涯多著釣魚船雲亭寶刹涵雙影玉版龍章下
九天最是褒忠祠貌古高風勁節思當年

福建續志

卷八十九 藝文十四 二十七

釣龍臺懷古

國朝 梁邦柱

傳來閩嶠介蠻氛誰闢江山勝蹟分芳草尚深停輩
處豐碑猶載表年文龍歸潭外餘空壘燕繞臺前有
斷雲今古廢興無限事昇平閒話舊時勲

西湖春泛二首

國朝 黃度

鐘聲隱隱出林煙夾岸桃花映水鮮廢苑仍圍高嶂
月樂遊誰唱艷陽天每乘畫舫聞村笛愛倚朱闌見
野田昨夜平橋春漲滿鳴榔多在大堤邊
遶城一片碧琉璃燕剪鶯梭出短籬野艇衝來雲漠
漠板橋歸去雨絲絲亭飛別島孤僧立人隔微波送

酒遲好是謳思膏澤處藕花風裏水漣漪

螺江舟中

國朝 鄭際熙

虎岫雲開五虎同螺江煙散一江空初晴日色舒還
歛無力椰帆西復東唼藻鷓鴣交拍水鬪花蝴蝶對
凌風韶光有意能隨客何惜棲棲嘆轉篷

登通津門城樓

國朝 鄭際唐

千年雄蹟此高樓長嘯西風最上頭煙井曲通騎馬
路登臨直作跨鼇遊海門有信還潮汐烽火無驚靜
鎧整終古滄桑知幾變子城秋似冶城秋

過仙霞關

國朝 郭趙璧

福建續志

卷八十九

藝文十四二十八

雄關天險鎖峰腰越水閩山道路遙十里重陰雲漠
漠半樓踈影竹瀟瀟深秋鞍馬來孤嶺斜日肩輿過
短橋却憶去年憑眺處滿天風雪上層霄

夜泊松溪

郭趙璧

寂寂山城對暮江停橈何事倚篷窓寒燈左岼家千
里夜雨孤舟酒一缸險阻豈從今日始艱難未肯此
心降偷閒却美鷗鳧浴睡入蘆花影自雙

詩 五排

凌霄臺詩

宋 蔡襄

峭拔幾千仞孤高無四隣低徊傾北斗突兀起東閩

締結青雲上登臨滄海濱溪山來面勢歌吹徹穹冥
子夜看先日陰崖得後春三韓空瑣碎萬落自埃塵
使者風流在詩人格調新驪珠忽投我神筆動驚人
平昔持州契於今識路津去天知不遠咫尺仰威神

榕村重構

國朝 李光地

西麓委初盡平疇曲水通開村名以樹跨岍勢因風
偃作雙橋斷聯成一幄同摧頽雷雨意緯繡鬼神功
久矣勞于役歸來老此中雲山皆接北軒棟盡朝東
石峻希巖築池灣擬類宮遠條陵廣沚清泚度幽叢
無限晴光好尤令暑氣融精心藏秘冊餘事息微躬

福建續志

卷八十九

藝文十四 二十九

是地方營構茲郊正起戎憂思忘後樂雌守那知雄
日霽今王會霜華旣病翁白駒馳不住青竹業何窮
昔夢榕陰綠斯晨荔子紅懷哉聊慰志時復叩虛空

五月十日遊成雲洞

李光地

買山三紀事卜築舊無能雜樹全荒徑孤齋未宿僧
宦遊如泛梗代網類牽繩責諾誠虛負移文固已曾
密林喧虎吼繡壁蝕蟲薨淇澳青千个終南白百層
木棉松榦倚菡萏蘭香朋隔岸環三渚連潭曳一浚
○○花苜蓿苻藻葉荷菱烏馭東西軌蟾弓上下緝
谿風秋瑟屑峽雨夜犇崩信美知無度懷思夢不勝

深恩紓倦鳥老態劇寒蠅杖策拘攣去肩輿卷跼登
巨靈云旣許福地自然興禹蹟藏何極遷書寄有承
斷將巖石洞付與谷雲滕餘潦橫猶漫初嵐直似蒸
南訛翻赤幟且比踏層冰

留題鼇峰書院

有序

李光地

趨朝道經三山觀所謂鼇峰書院者此地闢自儀
封張公而海康陳公繼之二公皆以宿學清修建
榮於茲下車之日首注意於文事是閩學將興之
祥也陪讌講論竟日留此志喜

扶杖趨朝命停車采國風諸姜齊稷下三峽待文

福建續志

卷八十九

藝文十四三十

翁倡道中州傑尊師百粵雄有虔初秉鉞主靜日銷
戎媚學招韋素賢僚倚帳紅葱青環藻稅幽翳滿芹
宮我老迷非是羣徒質異同抗顏愁笏曳寫腹已瓶
空白首慙嘉會虛心竚聖功作人天子意翮羽戾
朝桐

安溪李相國鼇峰書院講學賦詩

步原韻

國朝王道

碩輔趨朝日談經見古風發蒙推洛下過化迅文翁
霽月依春爽臯比擁坐雄博淹開武庫清辨薄阿戎
窓草除猶綠亭花綻欲紅鳴鐘隨大小聽樂識商宮

諸子參純駁羣言較異同若河終底海如日麗當空
百代源流合千秋羽翼功鼇峰多士集藹藹誦梧桐
詩五絕

避暑草廬

明馬森

月色誰家春江聲何處笛山齋人不眠松露窓前滴
夜光堂

明曹學佺

入山如已深宴坐意疎豁長風作松濤瀟瀟起天末
自題太虛亭別業

明董應舉

隱几坐寒翠微亭帶綠陰晚山相對罷風動壁間琴
鰲魚

國朝朱彝尊

福建續志

卷八十九

藝文十四三十一

尾插茨菇葉臍攢螃蠏箝南庖驚束手非止北人嫌

西施舌

朱彝尊

吳人輸一錢思覩西子頰何如得網中宵分齧其舌
花蛤

朱彝尊

畧識味如螯寧知化非雀誰加水族恩特與繡衣著
西施舌

國朝查慎行

尤物佳名托依然住水鄉死難逃越網生只戀吳航
香螺

查慎行

螺女江邊產形龐味特竒客廚貪一飽空殼付僧吹

蜆

查慎行

味美尤在螯一枚十錢買自從擘蟪蛄不憶分湖鱓
鱖魚 查慎行

介屬魚其名雌雄同一束爬沙苦無力安用十二足
花蛤 查慎行

入水化幾時登盤復充鱠剗腸誰見憐文采却在
外 黃螺 查慎行

藏尾露兩角肉黃漫多腥時於蝸殼中自負枵然形
珠蚶 查慎行

珠蚶細已甚魚鱗鵝眼許海錯幸自多烹鮮乃及汝
福州雜咏 國朝 任紹竒

福建續志

卷八十九

藝文十四 三十二

無諸猶有墓餘善尚存碑衰草斜陽裏徒縈過客悲
名與金牛合澄泓水一灣無將大小別佳處可遙攀

福州亦有西湖

兒奶謀堪寄靈神祐必多祈求諸最吉三十六宮婆
兒生後祀女神索祐曰寄奶有臨水夫人三十六宮婆諸神

踏青二月二遊伴共相招迴望春臺館鞦韆影寂寥
宋時多此戲

漁婦舟爲屋時乘早晚潮撩人常小泊窄袖弄輕橈
攢枝丹荔熟翠籠貯炎疆香味逾南海楊妃却未嘗

詩七絕

珍珠簾詩

宋 陳祥道

東風飄拂雨纖纖
吹向空中草木霑
記得傳宣三殿日
恍疑天半撒珠簾

石盤原韻

宋 朱子

琴到無絃聽者希
古今惟有一鍾期
幾回擬鼓陽春曲
月滿虛堂下指遲

鷲峰

宋 臧日常

望窮山下疑無路
行到壺中別有天
花露春巖朝帶雨
月涵秋水夜聞泉

莘氏夫人廟留題

宋 文天祥

福建續志 卷八十九 藝文十四 三十三
百萬貔貅掃彗芒
家山萬里受封疆
男兒不展撐天手
慚愧明溪聖七娘

詠九鯉湖珠簾

明 康佺期

縹緲珠璣錯落投
丹霞爲佩月爲鈎
何當一遇仙人捲
親看蓬萊十二樓

紫藤花菴卽事

明 董應舉

繞池閒草出墻花
破睡新煎穀雨茶
臨水平橋一雙鶴
兩三聲送夕陽斜

方壺巖道中詩

明 陳鳴鶴

方壺道上忽聞鍾
猶隔東西四五峰
立馬烏聲山色

裏一天殘雪落孤松

謁鄭烈女墓口占

明 聶 豹

閨幃巾幗凜水霜一死能留姓氏香
此膝未曾輕下拜爲娘千古重綱常

建溪棹歌

國朝 查慎行

清流尾大腹仍皤杉板船輕一擲梭
順水無風行更穩槳聲如鴈櫓如鶩

石根一道水潏洄真有腸如九曲迴
問渡亭前齊閣櫂竹簾撐入武夷來

西江估客建陽來不載蘭花與藥材
點綴溪山真不

福建續志

卷八十九

藝文十四

三十四

俗麻沙村裏販書回

年年三月杜鵑啼紅白花開似錦溪
只作漫山桃李看不知中有海棠梨

不爭白狗黃牛峽不數西江廿四灘
天下無如建溪惡水中刀劍是峰巒

北客南來飯好加川程三百少魚蝦
建安腐乳甌寧酒更有南鄉澤瀉花

連山苦竹賤如毛十節量成二丈高
小泊南鴉南口子船船多換幾張篙

青天白日走雷霆黯淡危灘最有名
掣電光中行十

里船頭一轉卽延平
自從舟發崇安縣直到洪塘與海通若使一灘高一
丈幔亭合在半天中

武彝采茶詞

查慎行

荔支花落別南鄉龍眼花開過建陽行近瀾滄東渡
口滿山晴日焙茶香

時節初過穀雨天家家小竈起新烟山中一月閒人
少不種沙田種石田

手摘都藍漫自誇曾蒙八餅賜□天家酒狂去後詩
名在留與山人唱采茶

福建續志

卷八十九

藝文十四 三十五

遊天心寺

國朝 何 瀚

古寺懷秋倚杖藜山村烟起午雞啼憑闌瞥見歸舟
路南浦橋橫第一溪

過西湖

國朝 許 均

嵐光遙接寺門煙野艇歸來欲暮天兩岼柳花飛不
定一聲水鳥夕陽邊

寅湖晚眺二絕句

國朝 許殿輔

秋淨湖光浸碧紈青螺小影鏡中看晚風吹得垂楊
瘦人似襄陽怯薄寒

人家樹影半扶踈堤上秋風老碧梧小艇無人拋桂

槩不將烟雨畫東湖

侍鶴嶠師遊朝斗巖卽和元唱

國朝 馬在觀

懸空卍字細闌干俯瞰雲山玉骨寒江上微波泛漁艇一聲欸乃響層巒

巍巍高聳接星台絕壁危亭畫鏡開下界茫茫煙景好輕風吹過柳陰來

毘陵潘中丞重濬西湖余暇日出遊感今追昔

成詩十二首

國朝 黃任

杖藜去踏城西路一碧空明浸遠天四十年來無此

福建續志

卷八十九 藝文十四 三十六

景故應日日上湖船

樂遊散後霸圖空漁唱菱歌起晚風大夢山頭一輪

月夜深曾浸水晶宮

閩主王延鈞城西造水晶宮與其後陳金鳳采蓮湖中后製樂

遊曲官女倚聲歌之

複道張燈夜未收冬郎垂老到閩州玉消珠盡長春

冷誰伴荒遊上綵舟

韓偓長春宮詩云淚滴珠難盡容殘玉易銷爲金鳳作也

三山別島署孤山一碧琉璃四面環我欲另開香雪

界亂梅花照亂流灣

孤山在湖中明太守江鐸結亭署三山別島四字

半薰花氣半蒸嵐又蘸波光上佛龕粥鼓魚鐘一聲

響此間何可少精藍

開山化建寺舊在其城中已廢

丹荔千枝壓殿牆每來開化寺先嘗雪霜肌肉丁香
骨傳說當年十八娘荔子十八粒相傳王細腰十八娘手

名種故

湖西要度高低勢築堰關心在溢乾解識勤民趙忠

定一篇鴻筆紀澄瀾趙汝愚建澄瀾閣尋燬明徐

瑯琊拓國夾城開遂使三湖半草萊六十九渠忠惠

力辛勤曾復五塘來東西湖汙塞蔡端明開六十

當時易費水衡錢水利曾興六百年一萬四千餘畝

地可能艱食到桑田西湖水利民田一閩縣三千八百

三畝懷安二千三百九十畝東湖水

福建續志 卷八十九 藝文十四 三十七

草沒南湖跡亦銷通仙門外不通潮熊兵湫塞泥門

閉剩有濺濺出柳橋熊兵泥門二橋皆導西二橋之水

廢惟柳橋尚通舟揖

西湖東斷到龍腰只隔琴亭二里遙每到浮倉山下

望無人能識十三橋浮倉山在東北湖水中樊紀造十

琴亭其一也

落霞孤鶩看齊飛起廢新銘換舊題一自河陽滿桃

柳邦人不羨白蘇堤

社寮雜詩二十六首

國朝 吳廷華

五十年來渤海濱生番漸作熟番人裸形跣足鬍髯

髮傳是童男童女身郡志於相傳秦時方士所遺童

隴人短髮剪來多不用高盤髻一綯海上原隣東印

度居然退院老頭陀後隴僧教之剪髮至今作人多陀壽無相疾

病

珥璫漸貫耳輪寬肩際垂垂兩肉環待得周環容徑

尺便誇氣槩向人寰中穿珥容斗者漸人以爲豪

搜羅采色次浮誇點綴都憑草木華天爲癡頑偏愛

護一年無日不開花土瓔珞喜花遇臺地暖四垂花滿不身

絕

幅布聊遮尺寸膚凌寒原未見號呼如何櫓柚煨偏

福建續志 卷八十九 藝文十四 三十八

慣相對南熏尚擁爐土番日煨下布一夏不蔽輟體而

如飛步履敢從容鯉躍獠升去絕蹤笑數平生輕捷

處超騰九十九尖峰九十九尖峯在苗霧揀

刻期插羽走貓鄰雨夜風晨往返頻一道官文書到

處沿途響徹卓機輪未受室謂之卓機輪又謂之貓達

又曰薩有聲宜佩之行則

春郊漠漠水湯湯莫問當時射鹿場牽得駿厖朝出

草先開火路內山旁外山林皆墾成田園射鹿路皆於內

原也番謂射鹿爲出草

倒單生齧各紛拏鮮炙餘烹腊作貊功令只今禁承

餉省教計腿付頭家擒縱者大謂之鹿活擒承者謂之生謂之獨

社商又曰頭家脯皆番射人鹿自計市腿易以尺布禁革後鹿脯皆番射人鹿自計市腿矣

纔過穀雨覓猫螺嫩綠旗槍映翠蘿獨惜未經嫻茗

戰春風辜負採茶歌性猫螺極寒內山地名產茶

早起樵蘇邃谷東佳材一槩付新翁知音怕惹中郎

賞不剩荒廚焦尾桐其內山多楠樟香木番人亦知其佳恐有司樟科取砍以爲薪

霞籃漆籠滿蝸廬家計休嫌長物無還似老僧新駐

錫纍纍東壁大葫蘆編竹爲土霞籃如內地筐篔而爲特精巧土番喜貯葫蘆以多制

富有大如甕者

十萬官糧三百困慎防侵耗及紅陳島民倘隸司徒

福建續志 卷八十九 藝文十四 三十九

職合署倉人及廩人鳳邑倉糧多存八社番以死守之

臨流架竹作浮田犁雨鋤雲事事便萬頃滄溟倘移

試蜃樓藏盡○農年水沙浮嶼有架竹水上布土下種者謂之浮田耕獲不異常畝

嘉禮初成笑語闐車蠓鹿腊滿長筵原知有賺期生

女果是新增打喇連番重無賺而以輕男必招贅也謂之謂番之無賺而以輕男必招贅也

有賺打喇連番人謂壻也

秦贅何從問肯堂閨中瓜瓞蔓偏長諸姑伯姊家人

聚不見男行見女行中男必出贅而女聚守室故男散而女聚

繡褌文衣製未便生兒隨母浴清泉十年新學唐人

俗五色絲穿長命錢浴土于番水謂子必去隨產母

琴瑟更張意已乖蕭郎岐路爲誰排回頭斷齒追歡
日尚賸親磨鹿角釵夫婦不相制鹿角釵異不復顧番
齒女成婚則去二

底六朝來待客忙抱瓜獻韭總尋常殷勤含米供新
釀一盞盈盈白玉漿番謂美婦爲底六白番女嚼之米

姑待酒

搏飯何須七箸嘗茹毛飲血俗相當從來不設烹魚
釜帶甲生咀鮮蠣黃搏飯食之不用箸

出浴前溪笑解襟落潮水淺上潮深臨流洗得沉疴
去大藥曾投觀世音番人喜浴雖疾亦然謂愈觀

福建續志

卷八十九 藝文十四 四十

墩竇門邊淡水隈溪流如箭浪如雷魁籐一綫風搖

曳飛渡何須鱗甲來北淡水港水流迅鱗甲番人架籐

一拳浮嶼湧青蒼砥柱中流廿里長添箇瓊樓併玉

宇蓬萊端在水中央孤水擁沙四浮嶼在流番人湖結之社其一麓

殆疑異境

金飾脂塗舊髑髏爭相雉長在操矛而今漸曉秋曹

法不掛人頭掛獸頭土番殺人取其頭骨剔示淨武飾近

亦畏法取獸頭懸之

軍聲到處疾如雷石峽重重一旦開鐵騎橫通三港

路將軍真個自天來石峽兩山壁立中密阿密道于通南

頂置社巨首胡斯賴爲插之竹通渭濱乃達司馬恩結

四月二十二日與朱君觀察東郊勸農事畢偕

登鼓山紀遊十首 國朝曹繩柱

拂拂清風引畫旗嘉年彌望碧成圍勞農預識豐年
樂乘興還應上翠微 勸農

踏石穿雲陟鼓山澹煙輕雨護禪關老松只愛濤聲

靜遠岫從教黛色閒 登鼓山寺

卓錫斯須便湧泉阿羅指點證金仙天功亦擬資人

力爲問癡龍何處眠 羅漢泉

方塘半畝湛清漪魚躍悠然巨壑期不置釣竿惟置

福建續志 卷八十九 藝文十四 四十一

餌我知魚樂共熙熙 放生池

石壁嶙峋夾岼開斷浚千尺沁莓苔當年一喝渾成

趣省却潺潺聒耳來 喝水巖

泉源是處溯靈湫石罅涓涓自在流潤我良田千百

頃慈雲願力眼前收 靈源洞

仄徑欹厓著一亭溶溶新水浸輕雲欲尋芳巔峰前

路石磴盤松濕不分 水雲亭

遙看絕巘最高頭雨歇雲封阻勝遊聞道晴空澄碧

海青螺兩點辨琉球 望峯巔

勝侶清華喜共陪凌雲健筆賦蓬萊蒼厓待勒風濤

字東壁先瞻霽景開

歸途雨霽

行行暝色隱煙鬟鼓角嚴城夜叩關猶向鑑亭勞問
字臨池剪燭話青山

暮歸水部門同石君過椒園
鼇峯講堂劇談勝遊而散

鼓山道中

國朝 林蕙

萬松引客陟層巒絕磴千盤不覺難遙望山門雲際
渺半天空翠落衣寒

重建鄭烈女墓表依聶雙江謁墓原韻

國朝 廖必琦

片石巋然幾雪霜荒烟埋沒也聞香于今芳躅重昭
揭始信幽貞迥越常

福建續志

卷八十九 藝文十四 四十二

國朝 鄭文炳

貞操凜凜擬冰霜石闕長留姓字香道上行人爭下
拜千秋誰不重綱常

國朝 俞荔

栢臺秉簡氣凌霜特爲貞魂薦瓣香一碣留題真不
朽滄桑雖變石如常

國朝 鄭喆

愁魂零落幾星霜古道梅花依舊香白是幽貞垂不
朽埋羞臺畔總尋常

國朝 鄭士仁

生前骨格皎於霜未字懷貞巾幗香振古以來皆有
死吾家賢女獨逾常

國朝 鄭帝眷

留題墓道表懷霜拭拂重珣墨蹟香屏盜有碑今再
見應知貞魄動空常

建寧

國朝 張學舉

城郭千家枕翠微臨江門外雨霏霏銜魚一鷺如相
引只傍輕舟側翅飛

品荔

張學舉

陳紫離離雜宋香端明舊譜襲餘芳閩天炎夏多雲

福建續志

卷八十九

藝文十四

四十三

雨半爲娉婷十八娘

色香最在露初乾欲擘先疑沁齒寒我記歐公詩好
句絳紗囊裡水晶丸

嶺外

張學舉

嶺外從來霜雪稀初冬日日弄晴暉楓林不肯留纖
綠都作春花點翠微

乙丑小春得古石盤上刻紫陽夫子題詩一首

斯詩立言警切寓意深遠讀之易盡味之無
極因移置小齋曉夕賞玩喜不自禁謹依元

韻口占

國朝 戴程甸

乞歸五載俗緣希盤石相逢慰夙期况有先賢佳句
在移牀心賞莫教遲

木蘭秋泛

國朝 林麟焜

李侯祠畔幾株花錢女洲前一抹霞踏遍水門三十
六不勝秋思滿蒹葭

西湖竹枝詞

國朝 鄭際唐

雉堞參差聳麗譙年年流影入湖遙果然八百年當
盛互物新來也自饒

郭璞拓子城曰八百
年後此地當大盛

春水湖深處處流白沙細石灑寒洲謝家評事宅何
處指點荒林繫釣舟

福建續志

卷八十九 藝文十四 四十四

青簑人隔綠楊陰土字秧歌太古音但得桑麻成樂
國輸他鍋子但銷金

杭州西湖土
人呼銷金鍋